

LENGO NOSTRO

LENGO BÈN PENJADO

Es óuficiau, aro, "Li loucutour podon libramen nouma sa lengo coume lou souvèton"... Patoues, prouvençau, lengo prouvençalo, lengo d'oc, óucitan, óucitanian, lengo óucitano...

Pajo 2



Prouvènço aro

Tóuti li mes, lou journau de la Prouvènço d'aro

Óutobre 2008

n° 237

2,10 €

Pèr camin e pèr orto

Sabès de-segur que se debano enjusqu'à la debuto de novèmbre uno grando escourregudo que ié dison "la Caminado" o "la chaminado".

7 caminaire soun parti lou 30 d'avoust de Vinai dins li valèo prouvençalo dóu Piemount italian fin d'arriba lou 7 de novèmbre à Vielha en Vau d'Aran, un païs de Lengo d'O gascouno en Catalouguo d'Espagno. Sa marcho es destinado à apila uno demando facho à l'UNESCO pèr que la lengo d'O siegue marcado au cartabèu dóu Patrimòni moundiau de l'umanita.

Aquéli caminaire an travessa la Prouvènço despièli lou còu de Larcho fin qu'a Saint-Esperit en passant pèr Alos, Sisteroun que ié soun esta aculi pèr lou Capoulié En Jaque Mouttet e lou Sendi de Prouvènço, lou Majourau Benedetto. Après soun passa pèr Saut, pièli Veisoun ounte soun esta aculi entre autre pèr lou Baile dóu Felibrige J-Marc Courbet. À Veisoun li caminaire an pres uno journado de repaus, es esta l'ubicasioun d'uno bello fèsto ourganisado pèr un jouvèt plen d'enavans, Florent Charrass emai pèr J-Bernat Plantevin e J-Louis Ramel; uno dougeno d'assouciacioun se soun retroubado dins uno bello unita, à l'entour d'aquéli marchaire, emé de gènt de l'IEO, de Parlaren emai dóu Felibrige; an fa fèsto emé repas en comun e balèti en seguido.

Pièli li caminaire soun passa à Santo-Cèio ounte soun esta aculi pèr l'Escolo felibrenc Marius André e d'autri felibre dóu rode. An countunia pièli en passant pèr Bouleno ounte soun esta aculi pèr l'assouciacioun Parlaren à Bouleno e sa presidènto Anio Vadon. Se soun arresta un pau pus luen au Sant Esperit ounte soun esta reçaupu pèr l'assouciacioun "Porto de Prouvènço" que beilejo Dono Lombard, emai pèr Jaque Ressaire e sis ami dóu PNO e encaro pèr li Felibre acampa à l'entour de la Sendi de Lengadò, Mario-Nadal Dupuis.

De remarca que quasimen d'en pertout : à Saut, à Malausseno, à Veisoun, à Santo-Cèio, à Bouleno, au Sant Esperit, aquéli caminaire soun esta reçaupu óuficialamen en Coumuno pèr li conse, ço que mostro qu'aquelo caminado èi presso au serious pèr li poulit de tótis óupinioun. D'airous mant un municipie an decida de prendre de deliberaacioun en favour de l'iscripció de la Lengo d'oc au patrimòni moundiau de l'umanita e de li manda à l'UNESCO.

D'en pertout li caminaire an auboura lis estrambord, an rassembla de gènt de touto sensibleta, soun quasimen pourta d'uno estapo l'autre pèr l'affougamen dis assouciacioun di vilo e vilage emai pèr de gènt qu'an l'abitudo de camina un pau d'en pertout e que descuerbon en meme tems la valour de la Lengo e de la culturo d'O.

À l'ouro qu'escrivèn aquel article sabèn pas coume saran pièli reçaupu aquéli bèu caminaire dins li vilo e vilage d'après, mai jogarian voulounié que saran tant bèn aculi coume lou soun esta en Prouvènço. Generalamen lou mounde coumprenon e prenon counsciènci que la Lengo d'oc a un passat extraordinari e que counvèn de ié prepara un bèl aveni à coundicione que l'umanita tout entiero ajude lis aparaire que soun sus plaço !

Liounèu de Volvent

La grando Caminado



Mauris iou cantaire

Un rescontre à Sant-Janet emé Mauris, que nous lou fai miés counèisse. Cantaire, muscian, ensignaire e militant afouga pèr apara la lengo...

Pajo 12

Ais La Capello

L'A.I.E.O. Assouciacioun Internaciounalo d'Estudi Óucitan ié recampavo lis universitàri e li cercaire dóu mounde entié à l'entour de nosto lengo.

Pajo 3

Nouvèu testamen

L'abat Marcèu Petit vèn de publica aquéu mounumen de la religioun catolico. Es la proumiero edicioun dins nosto lengo, en grafio mistralenco.

Pajo 9

Grand Prèmi Literàri de Prouvènço

La Jurado que s'acampè lou 21 de setèmbre à Ventabren fuguè unanimo. Es lou Majourau dóu Felibrige Andriéu Coumpan que se veguè atribuï lou Grand prèmi Literàri de Prouvènço pèr l'ensèn de soun obro en lengo niçardo. Doutour en lenguistico roumano publiquè en 1965, uno "grammaire niçoise" qu'es la referènci pèr bèn parla lou niçard. Sis obro en lengo nostro soun noumbrouso: Escarchadura, Lu dich dóu Cambarousset, La Crounica nissarda de Jouan Badat... N'en parlaren mai...